

ԳԼՈՒԽ ԺԱ.

1 Յաղագս դարձի իշխանացն անդրէն յերկիրն Յայոց, որք երթեալք էին առ կայսրն Վաղէս, զի եկին դարձան առ տերն իւրեանց Արշակ. եւ կամ ո՛րպէս տրտմեալ թագաւորին Արշակայ ընդ կայսրն, ո՛րչափ ինչ վնասեաց ասպատակաւ կողմանց իշխանութեան թագաւորութեան Յունաց:

2 Այսոքիկ են իշխանքն, որք չոգան ի թագաւորէն մեծէ Արշակայ ի Յայոց աշխարհէն առ կայսրն Յունաց առ Վաղէս: 3 Ինքնին մեծ եպիսկոպոսապետն Յայոց Ներսէս. եւ մեծ նահապետն Մամիկոնեան տոհմին, որում անուն Վարդան կոչիւր. եղբայր սա մեծի ստրատելատին Յայոց որում Վասակն կոչէր, որ դայեակք եւ սնուցիչք էին թագաւորին Արշակայ: 4 Եւ ընդ նմա Մեհեն նահապետն Ռշտունեաց, եւ Մեհառ նահապետն Անձեւացեաց, եւ Գարջոյլ Մաղխազ նահապետն Խոռխոռունեաց, եւ Մուշկ նահապետն Սահառունեաց, եւ Դեմետ նահապետն Գլթունեաց, եւ Կիշկէն նահապետն Բազէնից, եւ Սուրիկ նահապետն Յրսիծորոյ, եւ Վրկէն նահապետն Յաբուժենից. սոքա չոգան դեսպանութեամբ ի սեր միաբանութեան առ կայսրն Վաղէս: 5 Իսկ թագաւորն Վաղէս արգել աքսորեաց զմեծ քահանայապետն Ներսէս, եւ փոխանակ սորա արձակեաց զեղբաւրորդիս զթագաւորին Արշակայ զԳնէլ եւ զՏիրիթ. եւ գանձս բազումս եւ անթիւս վասն զմիտս հաճել թագաւորին Արշակայ, ի ձեռս Վարդանայ եւ որք ընդ նմա էին, առաքէր: 6 Եկին հասին դեսպանքն երթեալք ի կայսերէն առ թագաւորն Յայոց մեծաց Արշակ, եւ մատուցանէին նմա զիրովարտակն կայսերն. եւ ընդ նմին զիր տրտնջելոյ եւ ամբաստանութեան: 7 Չի գրեալ էր կայսրն զսրբոյն Ներսիստ առ թագաւորն Յայոց Արշակ, թէ նա սպան զորդին իւր զմիամաւր, վասն այսորիկ արգելաւ աստէն. զի մի՛ մեղադիր ինչ լինիցիս, ընկալ եւ զպատանեակսդ առաջի զարձակեալսդ զերկոսեան զեղբաւրորդիսդ Արշակայ, զԳնէլս եւ զՏիրիթն: 8 Ունէին եւ զանթիւ կարասի գանձուցն առաջի թագաւորին:

9 Իսկ թագաւորն Արշակ իբրեւ լուաւ եւ ետես զայս ամենայն, անշնորհ առնէր զտալիսն եւ զքերելիսն կարասոյն: 10 Ի ցասումն մեծապէս բարկութեամբ ընդ կայսերն նիւթեաց, եթէ զիա՛րդ իշխեաց, արգելուլ զայնպիսի այր զմեծ եւ զպատուական, զգլուխ եւ զվարդապետ զառաջնորդ աշխարհի եւ զթագաւորութեան միոջ: 11 Զարինք բազումք, ասէ, ի վերայ կայսերն, եւ ձեր ի բերելոյ. քարինք եւ մեր շատ կան ի թափել զատամուսս նորա ի տալն. եւ ձեր ի բերելոյ. զմեր վատթարութիւնս յո՛ տարայց. արդ այդմ երախտեացդ ես դարձուցանեմ: 12 Տայր հրաման Վասակայ իւրում զաւրավարին զաւր ժողո-